

ხოზის მუნიციპალიტეტის მეხუთე მოწვევის საკრებულოს ბიუროს სხდომისა

ქ. ხობი

2024 წლის 17 ოქტომბერი

ბიუროს წევრთა კანონით დადგენილი რაოდენობა - 11

ბიუროს უფლებამოსილ წევრთა რაოდენობა - 11

ბიუროს სხდომას ესწრებოდნენ ბიუროს წევრები:

1. ლევან ქავთარაძე
2. მამუკა ქარდავა
3. გოჩა ქაჯაია
4. ნუგზარ შუშანია
5. მედეა თათარიშვილი
6. ლევანი ლიპარტია
7. დოდო გაბუნია
8. ვლადიმერ ქანთარია
9. ია ჯიშკარიანი

ბიუროს სხდომას თავმჯდომარეობდა ლევან ქავთარაძე – საკრებულოს თავმჯდომარე

**დღის წესრიგი:**

1. საქართველოს რეგიონალური განვითარებისა და ინფრასტრუქტურის მინისტრის პირველი მოადგილის ი. ბეგიაშვილის 7 ოქტომბრის N01/2044 წერილის განხილვა („ხოზის მუნიციპალიტეტის ქარიატის ადმინისტრაციული ერთეულის შემადგენლობაში შემავალი სოფლების: გამოღმა და გაღმა ქარიატის ქუჩების სახელდების და ძველი ხიბულის ადმინისტრაციული ერთეულში, საჭანოს უბანში არსებულ N4 ქუჩისთვის ნინი კონჯარიას სახელის მინიჭებაზე თანხმობის თაობაზე“);

(მომხსენებელი: ბ. მამაცაშვილი - ხობის მუნიციპალიტეტის საკრებულოს ინფრასტრუქტურისა და სივრცით - ტერიტორიული დაგეგმარების კომისიის თავმჯდომარე);

2. ხობის მუნიციპალიტეტის მერის დ. ბუკიას 2024 წლის 16 ოქტომბრის N50-502429044 წერილის განხილვა („ხოზის მუნიციპალიტეტის საკუთრებაში არსებული საპრივატიზაციო ქონების ნუსხის დამტკიცების შესახებ“ განკარგულების პროექტის თაობაზე).

(მომხსენებელი: ვ. ქანთარია - ხობის მუნიციპალიტეტის საკრებულოს ეკონომიკისა და ქონების მართვის საკითხთა კომისიის თავმჯდომარე)

კენჭი ეყარა დღის წესრიგის წარმოდგენილ ვარიანტს

კენჭისყრის შედეგები:

მომხრე – 9, წინააღმდეგი – 0

დაადგინეს: დღის წესრიგი დამტკიცდეს წარმოდგენილი სახით

## დღის წესრიგით გათვალისწინებული საკითხების განხილვა

1. საქართველოს რეგიონალური განვითარებისა და ინფრასტრუქტურის მინისტრის პირველი მოადგილის ი. ბეგიაშვილის 7 ოქტომბრის N01/2044 წერილის განხილვა („ხობის მუნიციპალიტეტის ქარიატის ადმინისტრაციული ერთეულის შემადგენლობაში შემავალი სოფლების: გამოღმა და გაღმა ქარიატის ქუჩების სახელდების და ძველი ხიბულის ადმინისტრაციული ერთეულში, საჭანოს უბანში არსებულ N4 ქუჩისთვის ნინი კონჯარიას სახელის მინიჭებაზე თანხმობის თაობაზე“)

(მომხსენებელი: ბ. მამაცაშვილი - ხობის მუნიციპალიტეტის საკრებულოს ინფრასტრუქტურისა და სივრცით - ტერიტორიული დაგეგმარების კომისიის თავმჯდომარე)

სხდომის თავმჯდომარემ განაცხადა, რომ სხდომას ავადმყოფობის გამო ვერ ესწრებოდა საკრებულოს ინფრასტრუქტურისა და სივრცით - ტერიტორიული დაგეგმარების კომისიის თავმჯდომარე ბ. მამაცაშვილი და ბიუროზე საკითხს წარმოადგენდა საკრებულოს საფინანსო-სარევიზიო კომისიის თავმჯდომარე ლ. ლიპარტია და სთხოვა მას ბიუროს წევრებისთვის გაეცნო დღის წესრიგით წარმოდგენილი პირველის საკითხი

მოისმინეს: ლ. ლიპარტია - მომხსენებელმა ბიუროს წევრებს გააცნო საქართველოს რეგიონალური განვითარებისა და ინფრასტრუქტურის მინისტრის პირველი მოადგილის წერილი, რომლითაც წარმოდგენილი იყო, გეოგრაფიული ობიექტების სახელწოდებათა დადგენის, ნორმალიზების, გამოყენების, რეგისტრაციის, აღრიცხვისა და დაცვის მიზნით გეოგრაფიული ობიექტების სახელწოდებათა სფეროში მოქმედი სამთავრობო კომისიის საოქმო გადაწყვეტილებები ხობის მუნიციპალიტეტის ქარიატის ადმინისტრაციული ერთეულის შემადგენლობაში შემავალი სოფლების: გამოღმა და გაღმა ქარიატის ქუჩების სახელდების და ძველი ხიბულის ადმინისტრაციული ერთეულში, საჭანოს უბანში არსებულ N4 ქუჩისთვის ნინი კონჯარიას სახელის მინიჭებაზე თაობაზე და საკრებულოს ინფრასტრუქტურისა და სივრცით - ტერიტორიული დაგეგმარების კომისიის დასკვნები წარმოდგენილ საკითხთან დაკავშირებით (ოქმს თან ერთვის) და აღნიშნა, რომ 1) ხობის მუნიციპალიტეტის მერიის განმარტებით, მუნიციპალიტეტის მერიას ერთობლივი

განცხადებით მიმართა ქარიატის ადმინისტრაციული ერთეულის მოსახლეობამ, სადაც ისინი ითხოვდნენ სოფელ გაღმა ქარიატაში არსებულ ქუჩებს, შესახვევებს და ჩიხებს მინიჭებოდა შემდეგი სახელები: N1 ქუჩას - წმინდა გიორგის ქუჩა; N2 ქუჩას - წმინდა ნინოს ქუჩა; N3 ქუჩას - ლაზეთის ქუჩა; N4 ქუჩას - აიეტის ქუჩა. სოფელ გამოღმა ქარიატაში არსებულ N1 ქუჩას 2008 წლის აგვისტოს ომში საქართველოს ერთიანობისათვის დაღუპული ლევან ჭოჭუას, ხოლო N2 ქუჩისთვის სიკეთით და განსაკუთრებული ადამიანური თვისებებით აღსავსე მათივე თანასოფელელის ემზარ წურწუმის სახელი. გამომდინარე იქედან, რომ ლევან ჭოჭუას გარდაცვალებიდან 20 წელი არ იყო გასული, საკრებულოში შემოსულ წერილზე კომისიის მიერ ჩატარდა საზოგადოებრივი აზრის გამოკითხვა, სადაც გამოკითხულთა სრულმა უმრავლესობამ მხარი დაუჭირა სახელების საკითხს, რის საფუძველზეც საკრებულოზე მიღებულ იქნა განკარგულება „ხობის მუნიციპალიტეტის ქარიატის ადმინისტრაციული ერთეულის ტერიტორიაზე სოფელ გამოღმა ქარიატაში არსებულ N1 ქუჩისთვის ლევან ჭოჭუას სახელის მინიჭების მიზანშეწონილობის თაობაზე“. რის შემდეგაც საკითხი გადაეგზავნა გეოგრაფიული ობიექტების სახელწოდებათა დადგენის, ნორმალიზების, გამოყენების, რეგისტრაციის, აღრიცხვისა და დაცვის მიზნით გეოგრაფიული ობიექტების სახელწოდებათა სფეროში მოქმედ სამთავრობო კომისიას, საიდანაც მიღებული თანხმობის საფუძველზე საკრებულოს სხდომაზე განსახილველად კომისიის მიერ წარმოდგენილ იქნა მერიის მიერ მომზადებული განკარგულების პროექტი „ხობის მუნიციპალიტეტის ქარიატის ადმინისტრაციული ერთეულის შემადგენლობაში შემავალი სოფლების გამოღმა და გაღმა ქარიატის ქუჩების სახელების შესახებ“. 2) ხობის მუნიციპალიტეტის მერიის განმარტებით, მუნიციპალიტეტის მერიაში შევიდა ასევე ძველი ხიბულის ადმინისტრაციული ერთეულის საჭანიოს უბნის მოსახლეობის ერთობლივი განცხადება ტრაგიკულად დაღუპული ახალგაზრდა გოგონას ნინი კონჯარიას სახელის უკვდავყოფის მიზნით, მისი სახელის ძველი ხიბულის ადმინისტრაციული ერთეულის ტერიტორიაზე არსებული N4 ქუჩისთვის მინიჭების თაობაზე. გამომდინარე იქედან, რომ ნ. კონჯარიას გარდაცვალებიდან არ იყო გასული 20 წელი, მერიის მხრიდან წარმოდგენილ იქნა განკარგულების პროექტი „ხობის მუნიციპალიტეტის ძველი ხიბულის ადმინისტრაციული ერთეულის ტერიტორიაზე არსებული N4 ქუჩისთვის ნინი კონჯარიას სახელის მინიჭების მიზანშეწონილობის თაობაზე“. საკრებულოში შემოსულ წერილზე კომისიის მიერ ჩატარდა საზოგადოებრივი აზრის გამოკითხვა, სადაც გამოკითხულთა სრულმა უმრავლესობამ მხარი დაუჭირა სახელების საკითხს. რის შემდეგაც საკითხი გადაეგზავნა გეოგრაფიული ობიექტების სახელწოდებათა დადგენის, ნორმალიზების, გამოყენების, რეგისტრაციის, აღრიცხვისა და



დაცვის მიზნით გეოგრაფიული ობიექტების სახელწოდებათა სფეროში მოქმედ სამთავრობო კომისიას, საიდანაც მიღებული თანხმობის საფუძველზე საკრებულოს სხდომაზე განსახილველად კომისიის მიერ წარმოდგენილ იქნა მერიის მიერ მომზადებული განკარგულების პროექტი „ხობის მუნიციპალიტეტის ძველი ხიბულის ადმინისტრაციული ერთეულის საჭანიოს უბანში N4 ქუჩისთვის ნინი კონჯარიას სახელის მინიჭების თაობაზე“. გამომსვლელის განცხადებით, წარმოდგენილი განკარგულების პროექტები აკმაყოფილებს საქართველოში მოქმედ კანონმდებლობას და კომისიას მიზანშეწონილად მიაჩნია მათი წარმოდგენილი სახით გატანა საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტებთან დაკავშირებით ხომ არ ექნებოდათ რაიმე სახის მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტების საკრებულოს სხდომის დღის წესრიგში შეტანის თაობაზე

**კენჭისყრის შედეგები:**

**მომხრე - 9, წინააღმდეგი – 0**

**დაადგინეს:** წარმოდგენილი განკარგულების პროექტები შეტანილ იქნეს საკრებულოს სხდომის დღის წესრიგში

2. ხობის მუნიციპალიტეტის მერის დ. ბუკიას 2024 წლის 16 ოქტომბრის N50-502429044 წერილის განხილვა („ხობის მუნიციპალიტეტის საკუთრებაში არსებული საპრივატიზაციო ქონების ნუსხის დამტკიცების შესახებ“ განკარგულების პროექტის თაობაზე)

(მომხსენებელი: ვ. ქანთარია - ხობის მუნიციპალიტეტის საკრებულოს ეკონომიკისა და ქონების მართვის საკითხთა კომისიის თავმჯდომარე)

**მოისმინეს:** ვ. ქანთარია - მომხსენებელმა ბიუროს წევრებს გააცნო განკარგულების პროექტი ხობის მუნიციპალიტეტის მერის დ. ბუკიას 2024 წლის 16 ოქტომბრის N50-502429044 წერილის განხილვა („ხობის მუნიციპალიტეტის საკუთრებაში არსებული საპრივატიზაციო ქონების ნუსხის დამტკიცების შესახებ“ და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ ხობის მუნიციპალიტეტის მერიის განმარტებით ქარიატის ადმინისტრაციულ ერთეულში

მდებარე მდინარე ხობისწყალზე, სოფლების გაღმა-გამოდმა ქარიატის დამაკავშირებელი ხიდის დემონტაჟის შედეგად მიღებული ქონება, რომლის წონა სავარაუდოდ 11 ტონას შეადგენს, შეფასებულ იქნა აუდიტის მიერ და დადგინდა რომ მიღებული მეორადი მასალის გამოყენება შეუძლებელია და შეფასდა ჯართად. მუნიციპალიტეტის მერიას მიზანშეწონილად მიაჩნია მიღებული მეორადი მასალის პრივატიზება რომლის საწყისის ღირებულება შეადგენს 1578 ლარს და 50 თეთრს. გამომსვლელის განცხადებით, წარმოდგენილი განკარგულების პროექტი აკმაყოფილებს საქართველოში მოქმედ კანონმდებლობას და კომისიას მიზანშეწონილად მიაჩნია მისი წარმოდგენილი სახით გატანა საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ საკითხთან დაკავშირებით გამოეთქვათ შენიშვნები და მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი საკითხის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 9, წინააღმდეგი – 0

დაადგინეს: წარმოდგენილი განკარგულების პროექტი შეტანილ იქნეს საკრებულოს სხდომის დღის წესრიგში.

დღის წესრიგით გათვალისწინებული საკითხების განხილვის შემდეგ ბიუროს სხდომა დახურულად გამოცხადდა.

სხდომის თავმჯდომარე



ლევან ქავთარაძე